



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Carthusiani

**urn:nbn:de:hbz:466:1-40647**

Gaudent  
fructibus  
suorum be-  
neficiorum  
etiam in ab-  
sentia.

tia gaudent fructibus suorum beneficio-  
rum, sicut Cardinales ipsi percipiunt, ut  
dictum est supra. Nam eadem ratione  
eodem privilegio & ipsi perfrui debent.  
Ita Cucchys *inst. can. lib. 2. tit. 4. n. 69. p. 5.  
tr. 2. rej. 79.*

Qua si va-  
cent, confere-  
ri non pos-  
sunt sine con-  
sensu Ordini  
Patroni.

3. Beneficia familiarium Cardina-  
lium non possunt conferri per Papam  
sine consensu Cardinalis Patroni, &  
multo minus per Cardinalem legatum  
cujusvis amplissima potestatis. Ita Bel-  
len *cons. 19. num. 2. ve. 5. part. 5. tr. 2. ref.  
4. §. Notandum.*

Cardinalium  
familiarium  
sunt idonei  
testes in cau-  
sis suorum  
dominorum  
Et e converso.

4. Cardinalium familiares sunt idonei  
testes in causis suorum Dominorum.  
Nam ex illis juribus, quae repellunt à  
testimonio ferendo domesticos produ-  
centis, Cardinales, ob illorum dignita-  
tem, ac praesumptam integritatem, exi-  
muntur. Ita Albanus *de Cardin. quest. 42.  
privileg. 11. p. 5. tr. 2. ref. 56.* Sicut e con-  
tra Cardinales, testificantes in causis  
suorum familiarium, faciunt magnam  
adminiculum, ut decidit sacra Rota apud  
Farinacium *p. 2. de. 339. part. 5. tr. 2.  
resol. 93.*

Quid si of-  
fendantur?

5. Offendentes Cardinalium familia-  
res, incurrunt in excommunicationem  
Papalem *Vide V. Bulla Coena, n. 34.*

CARNES.

Violans jeiu-  
nium come-  
dendo carnes  
unum tan-  
tam peccatum  
committit.

1. Obligatus jejunare ex toto, si vo-  
tum violavit comedendo Car-  
nes unum tantum peccatum committit,  
si amplius in illo die Carnes comedit;  
quia cum semel violato jejunio cesset  
obligatio circa principale, videtur ces-  
sare circa accessorium abstinentia à Car-  
nibus, secus si vovit unicam comestio-  
nem in die Jejunii, hic autem, toties  
quoties comedit, toties peccat: aliter  
enim in jejunio Ecclesiastico observan-  
dum est, *part. 9. tract. 8. resolut. 5.*

Dispensatum  
ad carnes, si  
in aliquibus

2. Qui in die Jejunii comederet Car-  
nes crudas animalium secluso damno  
notabili salutis, & cum necessitate non  
peccat mortaliter, *part. 8. tr. 7. resol. 84.*

3. Dispensatus ad carnes non pro-  
pter virium debilitatem, sed quia cibi  
quadragimalis sunt ei nocivi, si in

aliquibus diebus non comedat carnes,  
adhuc non tenetur jejunare secundum  
Pasqualigum cum Carol. Cambr. est ego  
oppositum tenui, & teneo cum Bardi-  
cum in hoc casu dispensatio solum re-  
spiciat bonum nutrimentum ex cibo  
rãm qualitate, & non corroborationem  
virium. Addit Leander, frangentem je-  
junium comedendo carnes, non duo, sed  
unicum peccatum committere. Unde  
per se loquendo, nec esse necesse expli-  
care modum frangendi jejunium, qui  
solum est circumstantia aggravans ad  
quae ego in contrarium respondi, & ad-  
huc respondeo, *par. 9. tr. 6. res. 11.*

diebus non  
comedat, ad  
hoc non te-  
netur jeju-  
nare. Contrar-  
ium ve-  
rius.

Jejunium  
frangens  
comedendo  
carnes, unum  
cum, non  
duo peccata  
committit.  
Oppositum  
tenui.

4. Qui vero inadvertenter, aut ex  
oblivione carnes in magna quantitate  
comedit in die jejunii, tenetur illa die  
jejunare, & servare, formam jejunii At  
oppositum tenet Basilius Pontius contra  
Angel. Manriq. apud Caramuelem. Nam  
illud jejunium revera fuit fractum, et  
ob inadvertentiam, seu obliviones sine  
culpa. Ego vero primae sententiae adhae-  
reo cum Pellizari. *ibid. ref. 28.* Pueris  
ante septennium diebus veritas licet  
porrigere carnes; quia non ligantur le-  
gibus humanis ante annos, quibus ratio-  
nis usus communiter oriri solet, est au-  
tem per accidens, si ante septimum an-  
num lumen rationis in aliquibus appa-  
reat, *p. 11. tr. 2. ref. 56.*

Comedens  
carnes in  
magna qua-  
ntitate, in die  
jejunii, modo  
inadvertent-  
er, aut ex  
oblivione,  
non tenetur  
illa die jeju-  
nare.

Carnifex videtur irregularitas ex homicidio.

CARTHUSIANI.

1. Carthusiani prohibentur edere  
carnes in sanitate sub mortali,  
etiam cessante scandalo. Non qui-  
dem ex voto, sed ex statuto, & consue-  
tudine sic obligante. Ita Vasquez *in part.  
2. tomo 1. diffut. 162. cap. 4. numero 15. &  
alii. Quidquid aliqui apud Sã V. religio,  
num. 58. contra sentiant, part. 3. tract. 2.  
resol. 39.* Imò Vasquez ubi supra contem-  
dit, hanc obligationem urgere in articu-  
lo mortis: nam spectat ad commune Re-  
ligionis bonum, quod illa observantia  
vigeat, & potest lex humana, quando  
opus est ad commune bonum, obligare,  
etiam cū dispendio vitæ, Fateatur tamen,

Carthusiani  
quis obliga-  
tione tenentur  
à carnibus  
abstinere.



non peccare medicum, si Carthusia do infirmo, & inscio aliquid ex carnis ministraret. At Sanchez *opusc. como 2. lib. 5. c. 1. dub. 34. n. 7* Lorca *imp. 2. dub. 23.* & alii dicunt, in tali casu, secluso contemptu, & scandalo, vesci posse carnibus, si velint; non tamen teneri, *part. 5. tract. 3. ref. 136. & or. 4. ref. 32. §. Sed hic.* Et cum his ego sentio. *ibid. §. Verum.*

## CASVS RESERVATI.

Casus reservati alii Papales, & qui nam sint.

1. † Casus reservati alii sunt Papales, alii Episcopales, alii reservati Prælati Regularium pro suis subditis. Papales alii sunt reservati in Bulla Cœnæ Domini, quos vide V. *Bulla Cœnæ*, alii in aliis Bullis, & Decretis, inter quos in Italia hi sunt. 1. Violatio clausuræ Monialium ad malum finem, 2. Clericorum percussio, 3. Simonia realis scienter contracta, 4. Confidentia beneficalis, 5. Monomachia, seu duellum, 6. Extractio reorum ab Ecclesiis absque licentia Episcopi, 7. Absolutio à casibus Papæ, vel Episcopo reservatis à Confessario etiam Regulari exhibita sine licentia.

Alii Episcopales, & qui?

2. Casus Episcopales sunt triplicis generis. Quidam de jure, & communiter ponuntur tres. Primus est votorum dispensatio præter Papales, juramentorum relaxatio, excommunicationis majoris Episcopo reservatæ absolutio. Sed hic non est casus reservatus, quia non est peccatum, ut modò loquimur de reservatis; sed computatur inter reservata, quia ad Episcopum pertinet. Ita *Toletus libro 3. capite 14.* Secundus est incensio agrorum, vicorum, domorum, &c. ante excommunicationem. Nam post excommunicationem fit Papalis. Tertius peccatum grave, & scandalum, ob quod olim publica pœnitentia injungebatur, ut concubinatus notorius, &c. Sed, cum hodie publica pœnitentia non sit amplius in usu, aliqui dicunt, hunc casum non esse amplius reservatum. Secundi generis sunt, qui communiter in omnibus Episcopatibus reservantur,

videlicet, 1. Homicidium, seu actualis mutilatio, 2. Crimen falsariorum, 3. Sacrilegia furti de re Ecclesiastica, & homicidii ac vulnerationis in loco sacro, 4. Divinationes, & incantationes, ac Dæmonum invocationes. Tertii generis sunt, qui reservantur de consuetudine particulari in singulis Episcopatibus, de quibus dari non potest certa regula: quilibet Episcopus sibi reservat peccata, quæ suo Episcopatu convenire videntur. †

3. Quoniam verò hic Panormi, & in aliquibus aliis diocœsibus, reservata est sodomia, dicendum est primò non esse casum reservatum, si quis habeat rem cum muliere in vase præpostero. Quia casuum reservatio, cum sit pœnalis, strictè interpretari debet; sodomia autem est peccatum contra debitum sexum, & vas: unde, qui servat debitum sexum non dicitur propriè sodomita. Ita *Sylvius in 2. 2. cap. 154. art. 12.* & alii, *part. 2. tract. 17. resolut. 62.* Dicendum secundò, ad incurrendum casum reservatum sodomia, necessarium esse, ut semen intra vas effundatur. Nam aliàs non erit propriè sodomia. Ita *Bonacina de matrim. quest. 4. punct. 11. numer. 2. part. 2. tract. 17. resolut. 63.* Addit *Græfius pract. cas. referu. libr. 1. cap. 11. num. 17.* patientem actum sodomicum non incurere in casum reservatum sodomia. Quæ opinio probari potest ex eo, quòd talis non dicitur sodomita, sed mollis, & ita *Glossa*, quam sequitur *D. Thomas 1. 2. quest. 138. artic. 1. ad 1.* exponit *Apostolum 1. Corinth. 6. ibi. Neque adulteri, neque molles &c.* Tum etiam, quia majus scelus est agentis, quàm patientis, & in foro contentioso major pœna imponitur illi, quàm isti, sed, an hæc opinio sit probabilis, alii judicent, *part. 2. tr. 17. ref. 64.*

Hic Panormi reservata est sodomia. Quæ non est intelligenda de coitu cum muliere in vase præpostero.

Nec cum viro, seminando extra vas. Sed an committat patientem?

4. † Casus reservati superioribus Regularium sunt varii juxta varium morem cujusque Religionis. Interdicit autem eis *Clemens VIII.* ne alios casus sibi reservent præter infra scriptos, vel omnes, vel eorum aliquos. 1. Veneficia, incantationes, sortilegia.

Casus reservati superiores Regularium.

Q. 2

2. Apo.